

佛說信解智力經

驅五

西天譯經三藏朝散大夫試光祿卿明教師臣法賢奉 詔譯

如是我聞一時佛在舍衛國祇樹給孤獨園與大苾芻眾俱爾時佛告諸苾芻言苾芻汝等當知所有信解力法此法能證真實之理即是如來無所畏法唯佛能知苾芻或有聲

陳佳燕

聞作如是言我於此信解力法如實了知精進不虛離諸塵垢又復而言我能善說我善調伏我當說法今正是時是為最勝令他依止如是真實應當修學應當勤行又復而言當如是知如是之法最尊最上無有等等當如是見如是聞如是覺如是知佛告苾芻汝

等當知所有聲聞作是言者是即虛妄非如是見非如是聞非如是覺非如是知何以故此法即是諸佛真理唯佛能解不共聲聞之法

佛告苾芻信解法者所謂如來五力十力何等為五一者信力二者進力三者念力四者

定力五者慧力信解之法具此五力又復如來應供正等正覺具足如來十力是能了知佛無上處又復於大眾中作師子吼善為眾生轉妙法輪云何名為如來十力所謂於處非處如實了知而處非處若如實知是為如來第一智力而此智力若諸如來應供正等

正覺具足智力乃能了知佛無上處於大眾中作師子吼善為眾生轉妙法輪

又復如來智力於過現未來諸法行業因緣果報皆如實知如是如來於過現未來諸法行業因緣果報如實知已足為如來第二智力而此智力若諸如來應供正等正覺具足

智力乃能了知佛無上處於大眾中作師子吼善為眾生轉妙法輪

復次如來於禪定解脫三摩地三摩鉢底乃至煩惱業苦皆悉清淨如實了知如是如來於禪定解脫三摩地三摩鉢底乃至煩惱業苦皆悉消淨如實知已足為如來第三智力

而此智力若諸如來應供正等正覺具足智力乃能了知佛無上處於大眾中作師子吼善為眾生轉妙法輪

復次如來於諸眾生種種根行皆如實知如是如來於諸眾生種種根行如實知已是為如來第四智力而此智力若諸如來應供正

驅五

二

等正覺具足智力乃能了知佛無上處於大眾中作師子吼善為眾生轉妙法輪

復次如來於諸眾生種種信解皆如實知如是如來於諸眾生種種信解如實知已是為如來第五智力而此智力若諸如來應供正等正覺具足智力乃能了知佛無上處於大

眾中作師子吼善為眾生轉妙法輪

復次如來於種種界趣皆如實知如是如來於種種界趣如實知已是為如來第六智力而此智力若諸如來應供正等正覺具足智力乃能了知佛無上處於大眾中作師子吼善為眾生轉妙法輪

復次如來於諸眾生所樂欲性皆如實知如是如來於諸眾生所樂欲性如實知已是為如來第七智力而此智力若諸如來應供正等正覺具足智力乃能了知佛無上處於大眾中作師子吼善為眾生轉妙法輪

復次如來思念過去無邊行法所謂一生十生百生千生及百千生乃至無量無邊增劫減劫如是生數劫數所有眾生名字族姓飲食苦樂壽量長短或復久住死此生彼死彼生此如是體相業用無量無邊過去等事悉能思念如是如來於彼過去無邊行法所謂一生十生百生千生及百千生乃至無量無

驅五

邊增劫減劫如是生數劫數所有眾生名字族姓飲食苦樂壽量長短或復久住死此生彼死彼生此如是體相業用無量無邊過去等事如實知已是為如來第八智力而此智力若諸如來應供正等正覺具足智力乃能了知佛無上處於大眾中作師子吼善為眾

生轉妙法輪

復次如來以清淨天眼過於肉眼觀見世間一切衆生生滅好醜貴賤上下善趣惡趣所作之業乃至衆生具身口意諸不善業毀謗賢聖而復邪見作不善業行不善法皆是邪因所起由此邪因緣故命終之後墮於惡趣

受地獄苦又復衆生以身口意行十善業不謗賢聖起於正見作諸善業行諸善法皆是正因所起由此正見因緣故命終之後生於天界而爲天人如是等法皆如實知如是如來以清淨天眼過於肉眼觀見世間一切衆生生滅好醜貴賤上下善趣惡趣及所作業

乃至衆生具身口意諸不善業謗諸賢聖起於邪見造不善業行不善法由此邪見因緣故命終之後墮於惡趣受地獄苦又復衆生以身口意行十善業不謗賢聖起於正見作諸善業行諸善法由此正見因緣故命終之後生於天界而爲天人是爲如來第九智力

而此智力若諸如來應供正等正覺具此智力乃能了知佛無上處於大衆中作師子吼善爲衆生轉妙法輪

復次如來盡諸漏法無漏解脫智慧解脫以自神通了一切法我生已盡梵行已立所作已辦不受後有如是等事皆如實知如是如

來盡諸漏法無漏解脫智慧解脫以自神通了一切法我生已盡梵行已立所作已辦不受後有如實知已是爲如來第十智力而此智力若諸如來應供正等正覺具此智力乃能了知佛無上處於大衆中作師子吼善爲衆生轉妙法輪

聖五

四

亦時佛告諸苾芻是彼如來處非處力若有問言於處非處云何如來所有智力皆悉見聞覺知乃至成等正覺如是問者當爲實答又復所有一切衆生自業智力云何如來以業智力皆悉見聞覺知乃至成等正覺若有問者當爲實答又復所有禪定解脫三摩地

三摩鉢底云何如來以禪定智力皆悉見聞覺知乃至成等正覺若有問者當爲實答又復所有一切衆生種種根性智力云何如來以根性智力皆悉見聞覺知乃至成等正覺若有問者當爲實答又復所有一切衆生種種信解智力云何如來以信解智力皆悉見聞覺知乃至成等正覺若有問者當爲實答又復所有一切衆生種種界智力云何如來以界智力皆悉見聞覺知乃至成等正覺若有問者當爲實答又復所有一切衆生樂欲智力云何如來以樂欲智力皆悉見聞覺知乃至成等正覺若有問者當爲實答又復所有過去思念智力云何如來以思念智力皆悉見聞覺知乃至成等正覺若有問者當爲實答又復所有一切衆生生滅等法云何如來以天眼智力皆悉見聞覺知乃至成等正覺若有問者當爲實答又復所有漏盡智力云何如來以漏盡智力皆悉見聞覺知乃至

成等正覺若有問者當爲實答復告諸苾芻此處非處智力我但爲彼等持者說而不爲彼非等持者之所宣說又此業智力我但爲彼等持者說而不爲彼非等持者之所宣說又此禪定解脫三摩地三摩鉢底智力我但爲彼等持者說而不爲彼非等持者之所宣說又此一切衆生種種信解智力我但爲彼等持者說而不爲彼非等持者之所宣說又此一切衆生種種界智力我但爲彼等持者說而不爲彼非等持者之所宣說又此一切衆生樂欲智力我但爲彼等持者說而不爲彼非等持者之所宣說又此宿命智力我但爲彼等持者說而不爲彼非等持者之所宣說又此天眼智力我但爲彼等持者說而不爲彼非等持者之所宣說又此漏盡智力我但爲彼等持者說而不爲彼非等持者之所宣說

佛告苾芻等持者是正道非等持者是非道
是故汝等咸應當知佛說此經已彼諸苾芻
聞佛所說信受奉行

五末

佛說信解智力經

驅五

二經同卷

善樂長者經

聖多羅菩薩經

佛說善樂長者經

西天譯經三藏朝教大師慧禪禪師明教大師廣奉 詔譯

如是我聞一時佛在迦毗羅城與大眾俱是
時有一釋種長者名曰善樂住在本處而彼
長者信重三寶歸依佛歸依法歸依僧唯信
佛法僧不復信於諸餘外道唯求佛法僧善
解苦集滅道見真實理獲大果報而當非久
即證菩提時彼長者於所見色忽然不見
亦時善樂長者遙向世尊作是願言我佛世
尊大慈大悲願施我眼目施我眼光明施我
眼清淨除我眼昏暗發是願已又作是言我
今歸依佛歸依善逝
亦時世尊以清淨天耳過於人耳遙聞彼長
者發願言已即告尊者阿難言阿難汝今持
我秘密神呪往彼釋種善樂長者處與作教